

# Годыт годзыл



5.2014



**Василий Вячеславович Попов** чужис 1949 вося май 10 лунö Корткерöс районса Ыджыдвидз сиктын. И пöшти нэмсö олö-вылö, ворсö-сылö сәни. Он кö быттьö лыддьы Ленинградö киномеханикö велöдчыны ветлöмсö, сы бöрын уна-уна во петкöдлис сиктса войтырлы кино. Та вöсна и Василий Поповöс быдлаын тöдöны кызди Кино Васьöс. Нöшта кык во ветлис служитны, а сзэся во-мöд уджалис Сыктывкарса вөр заводын.



Зимогоритыштöм бöрын бергöдчис чужан сиктас да сзэся некытчö нин сэтысь эз ветлы. Лоус ас сиктсаöс гудöкасьюмön гажöдысьöн, серам петкöдлысьöн. Сэтшöм войтыртöгыд сиктгясад эськö вöли гажтöм. Шмоньлив мортыд нэмсö чукöртöма аскöдыс да ыджыдвидзса олысьяскöд серамбана лöмторгяссö. Сзэся öтчид, во дас сайын кымын, ыстöма нейджыд висьтгяссö «Чушканзи» журналö. Та бöрын öнöдз на ёртасьö сыкöд. Дзик быд номерын петавлöны «Кино Васьлөн лöсасгяс». Сылысь висьтгяссö окотапырысь сетöны и «Коми му» газетын. Найöс тöдöны телевизор видзöдысьяс да радио кывзысьяс.

Со и «Войвыв кодзув» журналын йöзöдны кадыс воис. Кутам некымын номерын сетны Василий Поповлысь серамбана висьтгяссö. Гижöма найöс озыр коми кывйöн. Сэтшöмön, кутшöмön сёрнитöны сиктса войтыр. Эскам, мый гижöдгясыс лоасны бур козинөн налы, кодлы сьöлöм вылас вöоны шмонь, ёсь кывгя йöзлөн висьталöмгяс. Шмоньтöг олöмыд дуб сёян панялöм кодь. Лыддьöй, нимкодясьöй сöстöм коми кывнас да серамбана сёрнияснас.

**Василий ПОПОВ**

## Шмоньтöг олöм абу олöм

\* \* \*

Кузь олöмнад тай мыйыс сöмын оз паныдасьлы. Ог тöд мыйла, а мекöд, гашкö, ачым радейта шмонитны-пöргявны йöзсö да, вывтi нин уна быдсяма тешкодторйыс овлö. Коркö, во комын сайын нин, ньöби ме аслам олöмын медводдза пыж мотор. «Ветерокön» вöли шусьö. Ва вылö лэччöдтöдз, да и пыжыс на эз вöв сэк менам, мөвпышти горт дорын видлыны, уджалö оз моторыс. Вöли жар гожöм. Вöчи плакаысь кутöдтор, öшöдi сэтчö «Ветероктö». Мед оз «курччы», мотор коксö суйи ва тыра ворйö. И заводитi нетшкыны. Час джынтö ки ормөн кыскалi, ачым брöд пöсялi. Оз заведитчы да и ставыс. Видзöда да, мунö Варук пöч, орчча керкаын олö. Мый нö пö вöчан, юалö. Мися, мотор заведита, да оз заведитчы.

---

— А ва ворйын кӧ заведитчас, оз эськӧ и ю вылӧ лӧччыны. Ставныс сэки сикт кузяыс ва ворйӧн журъялісны.

Ме, дерт, пузылі. А ӧні, уна во кольӧм бӧрын, серамӧй на петлас татшӧм кывъяс вылад.

\* \* \*

Сійӧ жӧ кадьясас сулала сельмагын, видзӧдала тӧвар. Ӑти олӧма нин нывбаба ньӧбӧ нель ӧшинь вылӧ занавес дӧра. Продавечыд мерайтис нель ӧшинь тыр, и дӧраторйыс колис на — дзик ӧти ӧшинь вылӧ. Шуӧ нывбабаыдлы, мед и бӧръясӧ ньӧбас жӧ. Тортӧ пӧ некод сэсся оз босът. Нывбабаыд пыкисис первойсӧ, а бӧрас шуӧ:

— Но ладнӧ, вай, мый сэсся тӧкӧд вӧчан. Сократ Микитаӧс корла да мед витӧд ӧшинь писькӧдас.

Муртса эг чурав сэтчӧ. Дзонь ӧшинь кӧсийӧ писькӧдны дӧратор понда!

\* \* \*

Ӑтчыд рытгоров удж бӧрын муна вӧлі гортӧ. Паньдаси кык нывкакӧд, продлӧннӧй групшайс локтӧны, тыдалӧ. Ӑтиыс меным шуӧ:

— Здравствуйте!

— Чолӧм!— вочавидза.

Неуна муныштисны да ӧтиыс мӧдсӧ кӧритӧ:

— Йӧйыд! Кино Васькӧд здоровайтчис!

\* \* \*

А тайӧ вӧлі кольӧм ар. Аслам олӧмын таыс йӧй юалӧмсӧ ме эг на кывлы. Пемыд арся вой, ме неуна юыштӧма, муна гортӧ. Сельсӧвет йӧрын, обелиск дорас, зон личкӧма нылӧс. Оз тыдавны, но гӧгӧрвоана, мый вӧчсьӧ. И нылыд, кылӧ, юалӧ зонмыдысь:

— Мый нӧ тӧныд мясянь колӧ?

Ме весиг палялі татшӧм йӧй юалӧмсьыд, да бӧрас ӧна и сералі.

\* \* \*

Карӧ могӧн лӧччылі да кая вӧлі гортӧ. Автобус тыр йӧз. Затоньын сӧліс ӧти баба, пыригмозыс шензис: ме пӧ мед нин нывдорӧ лӧччылі, а эсійӧяс мый бара ижъялӧны-а, гортаныс оз пукавсьы. Сэсся аддзис тӧдсаӧс да мӧдіс азыма больгыны ськӧд. Друг тыдовтчис Визябӧж грезд, а бабаыдлы, вӧлӧмкӧ, колӧ бӧрӧ кольӧм посӧлокас на чеччыны. Аньыд уськӧдчис шопер дорӧ да мӧдіс горзыны: «Криста ради, остановите меня!»

\* \* \*

Тайӧ вӧвлӧмторсӧ коркӧ важӧн висътавліс Агни тьӧтка. Лӧччам пӧ вӧлі машинаӧн Шойнатӧй. Лӧк туйын пыркӧдігад менам



унмовссьома. Ун пыр кыла шура-шара, клуна-клона. Синмӧс восьті да, машинаыс съӧд вӧр шӧрын сулалӧ. Шоперлысь юала: «Кӧнӧсь нӧ ми?» Мужичӧй унзиль синмӧн видзӧдліс да шуӧ: кодным кӧ пӧ олам вӧлі, эськӧ мӧд делӧ, а ӧні кытысь тӧдан...

\* \* \*

Уна во сайын нин тайӧ вӧлі. Пукала аслам керка дорын. Котӧрӧн локтіс Анна тьӧтка: лӧччӧд пӧ менӧ, Василий, Шойнаты-ӧдз. Мужикӧй суас кӧ, виас — скӧрми да сылӧн машинаыс ӧшинь стеклӧсӧ зорйӧн жуглі. Мый вӧчан, ковмис лӧччӧдны. Мунигмоз Анна тьӧтка шуӧ: «Гортӧ воа, пыра паськӧм шкапӧ, кута виччысьны, кор верӧсӧй локтас да лӧняс — сэки сӧмын пета».

Шойнатысьыд воӧм бӧрын бара лажыньтчи кильчӧ помӧ. Ыджыд шыӧн миян дорӧ сувтіс «Запорожец» — важ пӧлӧсыс, сэтшӧмнас Ленинӧс на новлӧдлісны, водз ӧшиньыс абу. Петіс Юрий, Анна тьӧткалӧн мужикыс, неуна гажа. Пуксис мекӧд орччӧн да съӧкыда ышловзис: лӧчча пӧ гортӧ да куим вежон гӧтыр водзын ог петкӧдчыв, мед, сӧтанаыд, корсьӧ... Бӧркывйыс, чайта, гӧгӧрвоана.

\* \* \*

Неважӧн пыри лавкаӧ няньла. Вузасьысьлы шуа: «Вай ме кодь жӧ банйӧм чужӧма нянь». Асьтӧ ӧд пыр тай том-мичаӧн лыддян. Нывбабаыд воча крапнитіс: «Тэнад кодь чужӧма няньсӧ кӧ сета, порсьыд весиг оз сӧй!»

\* \* \*

Тайӧ вӧлі сӧ збыль. Неямын во сайын ме — сиктысь некытчӧ петавлытӧм коми зон — мӧдӧдчи Ленинградӧ велӧдчыны киномеханикӧ. Ыджыд карад воӧм бӧрын тшӧктісны сдایتны «моча анализ». А ме, роч кывсӧ ог вӧлі гӧгӧрво да, мочатӧ чайті ньылӧмӧн.

И со босьті банка да мӧді корсьны, кӧні позьӧ пӧсьӧдчыны. Воддза лунас пӧдвалсьыс аддзылі ва пуан чан. Лӧччи сэтчӧ, час куим кымын пукалі-ньылӧді. Бур, мый велӧдчынысӧ этшаӧн на вӧлі локтӧмаӧсь да некод менӧ эз аддзыв.

Бӧрыннас, кор мыччи пельшерлы анализ дозсӧ, аныд ышловзис: эн пӧ вермы унджык кудзавны, татчӧ ӧд тӧрӧкан весиг оз вӧй. Вӧлисти ме гӧгӧрвои, мый сійӧ мочаыс. Но, дерт, эг висьтав, кутшӧм анализ вайи налы, мед психбольничаӧ не веськавны.

\* \* \*

Олӧм пуксис! Гырысьяслӧн кино вылӧ кӧ детсадса локтас да денга мыччас, порог вомӧныс лӧптӧмӧн вуджӧда, лӧдза, этшаӧн волӧны да. Но, вӧлӧмкӧ, клиенттӧ корсьӧмыд — абу ӧтнамлӧн шогыс.

Сулала ме юрсиктса лавка дорын, варовита ӧти тӧдсакӧд.



Миянсянь небылн му вылас пукалө прамой код мужичой, ю «Добрый» сок. Таодз, тыдалө, топыдика нин номсасьома. Матыстчис радөвой милиционер: «Дядьоыс тьянкөд?» Мися, ме ог төд, кодэ тайө татшөмыс. Шенышти кион да водзө кутэ сёрнитны төдсакөд. А милиционерыд перйис папкасыс кабалатор, ковмас пө акт гижны. Сэк костэ кысыкө сержант-милиционер тыдовтчис, кутис папкасө уджъёртыслысь мырддыны: ме пө первойон кодалысысө аддзи. Му вылын пукалысыс пышйом пыдди мөдэс шензёмон видзөдны зыксысыс вылө. Но здук мысти сержантыдлы мойвиис жө: дядьө дорад матыстчис тшын код нывбаба, гөтырыс, буракө. Сержант лэдзис радөвойлысь папкасө (мөдыс муртса гатшөн эз усь) да вуззысис баба дорад. Сэссия кыкнаннысө нуисны милиция керкалань.

Погонаясыд, тыдалө, тшөтш план тыртөны.

\* \* \*

Кодалагад тай уна пөлөс сёрниө волан. Шөр арлыда мужичой неважөн висьталис: «Вөли ме кызы лун вахта вылын, вөр пөрөдөм. Мунгөн сетисны сьомтор. Босьтэ литра водка да гортө локтөм бөрын гөтыркөд сийөс шняпуритим-юим. Гөтыр уси, унмовсис. Гөгөрвои: сы помысь мөс идралөм-вердөм оз нин ло. Баба вылө ропкигырийи вундалэ ыджыд ведра тыр картупель, шонтэ кызы литра ва да ружтигыр лэччи гидө мөскөс юктавны. Пыри гидад, а сэнэ... көза сулалө».

\* \* \*

80-өд воясө Брежневлы орденъяс моз меным став денгыатөм портфельсө мыччылысны: партсекретарь, сиктсөветса предөс вежысь, народной заседатель, тшөтш и ёртъяслөн судса член. Миян сиктысь өти нывбаба шыөдчис гаралөм судас: мужикой пө мөд бабакөд олө, вай өлөдөй. Ми янөдам мужиксө: «Оз позь тадзитө...» А сийө чеччис да крапнитис: «Мед, колөкө, эз вөв сэ-тшөм лөсыднас дай!» Ми ставным тшөкмуним. Мый татчө и содтан?

\* \* \*

Школаын велөдчигөн тшөкыда ветлывлім кыйсыны Чуб ю вылө. Отчыд вуграся сэнэ, а орчөн турун пуктөны Бөрис Öгрө да Ёгор Петя. Найө кык семьяон видзисны өти мөс. Бөрис Öгрө пөрысь нин да пусьө, а Ёгор Петя ытшкө, куртө, чөвтө. Пукала ме берегын. Друг юр вомон ваас лэбзис вель ыджыдлы. Ме бергөдчи — Ёгор Петя сулалө. Мый нө, мися, лынас шыбласян. А сийө воча: ме пө тайө вильөдөм лысө коймөдысь нин шыд тасьтысь перья. Öгрөыд вильөдөм лытө быд лун, вөлөм, выльысь пуө.

\* \* \*

Тайө вөли кольөм вося арын. Менам керкаой кык судтаа. Гөтыр вылас пелькөдчө, а ме посводз мысыка. Кильчө помас



нин куті воны, да улі судтаас триньобтіс телефон. Ме котөрөн пыри. Лолөй оз шед, босьті трубкачө, мися, «алло». Мөдар помас баба шыасис: «Гөтырыд нө кытөн?» Мися, вылын. Ачым аштөма. Кылө, тьоткаыд тшөкмунліс. «Колө али оз?»— юала. Эштөданныд пө да, бөрынджык звөнитла. Но сэсса эз и звөнитлы. А ми гөтыркөд ёна и сералім бөрыннас — мөвпалөмөн, вөлөм, колө телефон пырыд сёрнитны.

\* \* \*

Шусьөгъястө вель уна төда, мукөддырйи сёрнитигад аслам на артымвлө. Но тайө шусьөгсө ме кывлі шойнатыса дядьсянь. Отчыд звөниті сылы. Босьтіс трубкачө: юыштөма, керкаас кылөны баба гөлөсьяс. «Көть эськө норасьлан, олөмыд тай, мися, аминь бур! Баба гөлөсьяс на со кылөны». «Кино Вась,— вочавидзө сійө,— кывзы, кутшөм менам олөмөй: сикт туй вылын мунө пон свадьба, а медбөръя кутюыс — ме!»

\* \* \*

Миңдор Òгаш висьтавліс со мый. Вөлі пө тайө войнаөдз на. Лэччи гуляйтны шойнатыса рөдняясө. Пыри, а найө удж вылө мөдөдчөмаөсь. Шойччы пө, шонтысь, а ми рытгорулыс воам. И со рөдняяс виччысигмоз пукала, тшай юа. Керкаас некод абу, сөмын часі точкө. Друг кызд тай горөдісны «Внимание!» Ме тшай стөканнад ывла вылын нин палялі. Кывза, керка тыр йөз сёрнитөны, сэсса сьывны горөдісны. Нинөм ог гөгөрво. Көзяевалөн удж вылысь вотөдз и сулалі ывлаас. Ок ёна сералісны найө ме вылын: радио пө тайө. А сэки мян Ыджыдвиддзын та-тшөм дивөыс эз на вөв.

\* \* \*

Ме зэв ёна радейта арын көч кыйны. Та могысь и бур понъясөс лөсьөді. Отчыд, во кык сайын, асывнас сөлі велосипед вылө, чукөсті понъясөс да мөдөдчи кыйсьыны. Мунігөн веськалім пон «свадьба» вылө. Дас кымын кутю, да ставныс көласисны менам понъяс дорө. Тайө чукөрнас и мөдөдчи вөрө. Воча скөт картаын уджалысьяс лэччөны гортас — кулөмаөсь серамысла. Та мында поннад пө велөдыштан тэ талун көчтө. Òти нывбаба гизьөмысла муртса туй вылас эз тулясь. Уңжык понйыс пө сэсса эз нин сюр?

Пыри вөрад, нель кока чукөрыс уйкнитісны тшөтш. Менам понъяс көчтө кыпөдісны, а мукөдыс, коді кызди сяммис, увтны кутісны. Но көчыд тайө лунас меным эз шед.

Оні көч кыйны мунігөн пон «свадьбатө» кө аддза, бөр коса да виччыся, кор нель кокаясыд разөдчасны.

\* \* \*

Коммунизмлөн югыд аския лунө мунөмыд кор джөмдіс, ме зэв өдйө керка гөгөр гидъяс тшупи. Гөтыр шуө, вай пө өвсьы нин, Гид Васьон кутасны нимтыны. Лөсьөді мөс, кролик-ыжъяс.



Дженьыда кө, куті виччысьны тшыг во, код йылысь лөвтисны быд пельёсын. Но ме таөдз косатө киө некор эг босьталы, а колө өд турун пуктыны. И со өти лунө петі град йөрө ытшкыны.

А менам керка водзвылын да бөрвылын олісны кык пөчө — Еме Вася да Максим Марья. Найө лөсялісны өта-мөдыскөд да зэв ёна воысисны. Пөрысь анясыд буретш пукалоны, вөлөмкө, өтиыслөн керкаын, кыйкъялоны өшиньө. Еме Вася шуө: «Кино Вась тай мудйысьны кутіс, картофель корйыс, тыдалө, кузь нин». А Максим Марья сылы воча: «Тэ дорө лэччигөн тай ытшкө вөлі-а». Сэсся пөчөясыд зыкө воасны. Öтиыс вөйпөдө — мудйысьө пө, мөдыс — ытшкө. Сэтчөдз вензисны, мый кувтөдз-ныс лөгасисны өта-мөд вылас. Öні на, колөкө, заклад вартөны мөдаръяугыдас.

\* \* \*

Таво төв сарайысь турунсө скөтлы ёнджыка вердім ли мый, төв шөрнас тай ставыс бырис нин-а. И со өти асылө босьті ыджыд дадь да муні видзвывса зорөд дорө. Сөвті дадь тыр турун, сэсся мөді кыскыны гортө. Ывлаыс көть көдзыд, а менам пөсь киссьө. Даддыс сьөкыд, выной оз тырмы кыскынысө, но вөляникысь вои жө мир туй вылө. Шойччыштөм бөрын мөдөдчи водзө. Даддыс дзуртө да нинөм ог кыв. Друг ныр улын, быттьө му пытшсьыс, петіс машина. Видзөда да, сьөд йөз пукалоны. Тайөяс пырджык картофель ньөбны волөны миянө. Шоперыс кинас шенасьө, сувтлы пө. Мися, мый нө колө? А сійө воча кавказса ногөн:

— Сэна на картошку нэ дадитэ?

Ме скөрми да, дерт, рочөн скөрйывсьыд мыйсюрө шуалі налы. Мися, вешйө вай, аслам гөбөч тыр картофель. Турун! Картофель вылө!..

Шоперыс мөдіс шогавны:

— Замэрзнэт картошка...

— Мый, «замэрзнэт»?! Менам быд лун пач ломтысьө!

Дядьөясыд йөй вылө моз видзөдлісны да мунісны водзө. Мөд лунас кывлі воксянь, сьөд йөз пө кежавлөмаөсь колхоз карта дорө да сідз жө, вөлөм, корөмаөсь вежны «сэна на картошку». Картасяс ме моз жө материтөмаөсь бокисатө. Но медбөрын кодкө гөгөрвоөма: кавказсаыд, вөлөмкө, корөны турунтө, медым вевттыны кыммөмысь машина вывсьыс картофельсө. Сэсся, дерт, сетөмаөсь жө...

Мун да гөгөрво өта-мөдтө, кор рочнад некытчө шогмытөма сёрнитан.

\* \* \*

Бура важөн нин вөлі тайө. Ми лэччим Шойнатыйө концертөн. Кадыс водз на, да ме ветлі лавкаө. Бөрсө локтігөн син улө усины культура керкадорса лабич вылын пукалысь кык пөчө. Мися, мый нө концерт вылас онө пырөй. Ми пө машина виччысям — шуисны чипаньясөс вайны да көсьям ньөбны. Ме пукси пөчөяс дінө.

Олөма нывбабаясыд мөдісны варгыны-сёрнитны. Öтиыс ки-



нас шенасьо: ме пö кöзаос гидысь некытчö эг лэдзлыв, а кык кöзапи вайис.

— Нинöм тані чуймöданаыс абу,— шыасис мöдыс.— Тэ менö вай кывзышт. Войнаöдз на кывтыдысь öти тьötö шензьö вöлі, нылöй пö труба дорö вала кындзи керкаысь некытчö эз петав, понйöс сарайысь эг лэдзлыв, а öтлаын пиялісны.

Ме чеччигмоз содті сэтчö öти вöвлöмтор:

— Ассыым ныв понъясöс тулыснас сöмын позсянь позйö ву-джöді, а гожöмнас öти понйыс кöкъямыс кутюос вайис. Дивö дай сöмын!..

Пöчöясыд шензян и колины. Ме пыри концерт вылö. Найö, дерт, бура дыр на варгисны öта-мöд костаныс. Концерт помасьöм бöрас чипанаöсь нин вöлі мунöны. Ог тöд сэсся, пöчöясыдöн чипанъясыс петуктöгыд вайисны эз-а...

\* \* \*

Армияысь гортö вои да, лун кык кымын керка тыр йöз бергалісны. Помнита, мöд лунас асывсянныс бара пуксим гажöдчыны. Буретш сэки пырис орчча керкаысь Прохор, матыстчис папö дорö: «Ветшеслав, аски больничаö колö лэччыны да, шырсыны тшöктісны».

Но ладнö, папö петіс веранда вылö Прохорöс шырны. Ме гудöк босьті, заводиті сывны. Бара стöканъясад кисьталісны. Петыр Öлексан öдзöс восьтіс, горöдіс: «Ветшеслав, водканад удзöдім!»

Папö эв öдйö пырис, пуксис пызан сайö. Час куим мысти Тикöн Иван пырис: мый нö пö Прохорыс веранда вылас пукалö, юр джынйыс шырöма, мöдыс — абу. Гажöдчигад, сötана, вунöдім мортсö!

\* \* \*

Папö менам кужö жö вöлі тешкодьторъястö висьтавлыны. На пиысь со öти...

Война водзвылын мужик чукөр джиянса öти дядьöлы лэптасны пывсян. Папöс, кöть том на вöлöма, босьтасны нитшкасьны.

Пажынöдз пö кыз уджыс эштіс, кольöма сöмын вевтсö вольсавны. Пырисны нуръясьны. Дядьöйд пачысь перйис кос тшака аминь пöсь шыд да пуктіс мужикъяслы ныр улö. Мудзмөн пö ырским: став вом сотчаліс, а кынöмö эз и воы.

Ачыс дядьöйд пач вом дорас яя шыд пö чурскыны кутіс. Син бöжөн видзöда да, вель ыджыд яй тор вильöдны лэптіс. Коркö пöсь тшака шыдыд пö помасис жö, да ставным петім ывлаö. Öтияс куритчыны, мöдъяс — «пöтмөн» сөйöм бöрад — эжа вылын куйлыштны.

Дядьöйд мыччысис жö, пинь костсыс пу тувйөн яйсö перьялö. Видзöдліс пö миян вылö, сутшиктіс да шуö: «Но, мужикъяс, шойччигмоз вай Галя бöжысь пывсянас изсö катлöй. Сэсся заводитам водзö уджавны».

А збыльвылас кö, Галя бöжсянь пывсянöдзыс верст кымын лоö. Чой паныд! Мужикъяс матькигтыр чеччисны. Водзö уджалісны али гортаныс мунісны, ог нин помнит да, сідзкö, ог и гиж. Пöръясьнытö öд абу лöсьыд — ен грек.



\* \* \*

Ми, войнаборся ныв-зон, зэв ёна радейтлім быдсяма ворсөм-сө: «Слушай», «Дас чаг» да сідз водзө.

Сэки мужикуловыд өнія моз эз лёллявны-кодавны, а радліс-нимкодясисны оломнас, өд сэтшөм ыджыд тышысь ловйөн косісны гортас да. Эз яндысьны сьөкыд удж бөрын рыгъяснас челядь моз вильшасьны.

Өтчыд мужик чукөрыс «Слушайысь» ворсны кутісны. Ми, томулов, тшөтш бергалам на пөвстын, но поснитө эз босьтны, ті пө асьныд торйөн ворсөй. Ас костын бура дыр дурөм-чеччалөм бөрын ми кутім лэччыны мөс картаяс дорті гортө.

Видзөдам да, верстьөбясид, мөдарө, сералігтырйи кайөны мөс карталань. Ставныслөн кианыс зыръяс.

Воча локтысь тьөтө юаліс налысь, кытчө нө пө зыръяснас мунанныд? Мужикъясыд нюмьяліг, коді кызди вермө, висьтавны кутісны сылы. Ворсім пө ми «Слушайысь», а Спира Петя мөс картаяс дорад дзебсис. Котөртысьтө казяліс колхозлөн өш да кутіс сүөдны. Петяыд удитіс амбар улө сайөдчыны. Пырнытө пырөма, а кор миянлы сійө сюри, петнысө эз нин вермы. Со пө мунам амбар увсьыс мусө кодйыны.

Ми, зонулов, мужикъяс бөрсяныд тшөтш жө мунім. Видзө-дам да, Спира Петяыд амбар улад гоньялө, өдйөджык пө мездөй, кынөм сюммис. Дивө дай сөмын! Кыдзи бара-й сэтчө төрөдчөма-а?

\* \* \*

Тайө дзик жө збыль вөлі. Төв шөр. Аминь көдзыд. Сулала туй бокын, Шойнатыө көсья лэччыны. Вель дыр нин турда. Мыччысис «КАМАЗ». Киөс лэпті, сувт, мися. Машинаыд ме весьтын джөмдіс, котөрті кабиналаньыс. Сөлігмоз нимкодьөйла топыдика швачниті-пөддалі өдзөстө. Шоперыд лөзөдіс быдсөн: «Деревня, ты что дверью хлопаешь, а ну уматывай отсюда!»

Ме кори, мися, прөстит. Шоперыдлөн лөзыс чужөмсьыс быри. Машина вөрзөдчис. Төді кө эськө, мый водзө лоө, чеччи жө да. Но, ладнө, мед нин мөдөдчим.

Шоперыд көть мича чужөма нин лои, мекөд оз сёрнит. А ме, колө көть оз, өтнамөн мыйкө сөра-висьтася. Сэсса бергөдчи бөрвыв, видзөда да, машинаыд прицепа. Ме шмонитігмоз и шуа шоперыдлы: «Что с прицепом, алиментщик, что ли?»

Мый морысла ме тайөс казтышті?! Дядьөыд рульсө кисьыс лэдзтөг кыкнан коксө лэптис да кызд тай чужйис меным! Киөй буретш вугъяс вөлі — өдзөсыд өдйө и воссис. Ме кызди пукалі кабинаас, сідзи и коли туйбокса лым толаас. Машинаыд төвзис водзө. «КАМАЗ» өдзөсыс бура дыр на клопайтис, быттьө шога янсөдчис мекөд, сэсса коркө пөддасис жө.

Кынмынытө эг удит, матыстчис мөд «КАМАЗ», тшөтш прицепа. Бур шопер веськаліс, коми. «Мый нө,— юалө,— лоис?» Мися, кутшөмкө йөй дорө веськавлі. Нинөм лөксө эг шу, а кабинасьыс шыбитіс. «Прөста өд эз шыбит?..» Мися, юалі сөмын: прицепа да, алиментщик али мый? Шоперыд серамысла муртса пуклөс вывсьыс эз усь:

— Алиментщик и эм! Гөтырыс мөд мужиккөд олө да алимент



кутіс перйыны талысь. Оз бара этша, вит челядысьсь сьомсö мынтö.

Вайöдіс менö шань дядьöйд Шойнатыö кежан туйöдз. Чеччигөн öдзöссö небыдика нин пöдлалі да аттьöалі. Мися, мед бара меным оз сюрав...

\* \* \*

Коркö öтчыд ме кутшöмкö кад директоралі ас сиктса клубын. Öти гождöмö ёна зэраліс да, стрöйба пытшкад ойдім. Видзöда, вевтыс зэв крут — дзоньтавны сямöй оз тырмы. Кори сиктысь öтиöс, мөдöс, некод оз кöсйысь. Вевт вылас чатрасигмоз матыстчис клуб котельнöйысь Сима Вась: дас водка дозйысь пö дзоньтала. Мися, вöч, а ме тэ вылö нарад гижа. Недыр мысти вевтыд дугдіс виявнытö. Бур мортлы, мися, ыджыд аттьö. Лöсьöді нарад, пасйи сэтчö ставсö, мед ветымын чöлкөвöй дон чукöрмис: уна тшупöда мöстилö вöчöм, ниа пуысь кильчö лэптöм да сідз водзö. Аслым лöсьыд, а Сима Васьлы нöшта нимкодь — горшсö пожъяліс да менö на юктöдыштіс. Регыд мысти дядьöтö вина юöмысь вöтлісны удж вывсьыс. Но арнас менам клуб вевт бара письтіс. Кайи йирк вылö видзöдлыны, да муртса пласьт эг усь. Сима Васьыд вевттö лöсьöдöм пыдди пуктöма мудöгас вель ыджыд чугун. Ванас дозйыд тырöма — со и сёлкйö-виялö...

\* \* \*

Кык во сайын ме чужöм вылын зэв ёна омöльтчи. Туй кузя муна вöлі клубö, а паныд локтö Öнись Машö. Мый нö пö, Кино Вась, сэтшöм ёна омöльтчöмыд? Мися, неважөн қарын чиганкалы дас сюрс шайт мынті да висьталіс, мый менö кутшöмкö баба вомдзалама. «Эн тэ?»— юала. «Ме эськö эг да, верма вомидзтö бырöдны». Кыдзи, мися? Аньыд кутіс велöдны: «Гöтыр дорад тöлысь эн матыстчив, сэсся ломты пывсян да менö тшöтш пывсьынытö корлы. Та бöрын став вомидзыд бырö». Миян дорті муно вöлі нывбаба, кыліс сёрнитö да кутіс серавны: «Тöлысь чöж кö гöтыр дорас оз матыстчив, весиг ме верма пывсянад вомидзтö бырöдны!» Ме шенышті киён да муни водзö. Öні мөвпала, збыль колöма пывсянтö ломтивны — кыкнад эськö нэм кежлö ёнмөдісны. И висьöмыд важөн нин вуніс.

\* \* \*

Öти гождöмö пукалам сельпоса заготпункт керкаын: ме, Кире Миш, Василёк да Кир Вань — гөрд вина юам. Кире Миш стöканъясö кисьталö. Воссис öдзöс, мыччысис Тате Лиза — Кире Мишлөн племянничасы. Пыригмоз дядьыс вылö уськөдчис: «Бара трескайтан, абу яндзим?!»

Кир Вань — заготпунктөн веськөдлысь — дыр эз мөвпав, босьтіс шкапсьыс квитанция да зэв öдйö гижис, быттьö Кире Миш сдایتöма 500 кило лым. Сэсся мыччис Мишлы: «На кучик сдایتöмсьыд, ветлы сельпо кассаö, босьт деньгасö да миянös эн вунöд».

Кире Миш видзöдліс квитанция вылад да сетіс сійös Тате



Лизалы: «Ветлы да босыт, а то менам ставсө юяс...» Лизаыд петіс.

Бөрас баты (сэки сійө уджаліс сельпоын бухгалтерөн) меным висьталіс со мый. Пырис пө Тате Лиза, мыччис квитанциятө. Лыдди кабалатө да вак-вакөн серала. Сэк кості порогсө вуджис кассир. Мый нө пө сераланнды? Баты петкөдлөма кабалатө: «Лиза со Кире Мишлысь денъгасө босытны локтөма, а то пө ставсө юяс дай...»

Кассирыд лыддьөма квитанциятө, сэсся кыйкнитлөма ывла вылас: көні нө пө өні лымыйс?

\* \* \*

Неважөн муна вөлі удж вылө да, ме водзын веськалісны школаысь зон чукөр. Ас костаныс сёрнитөны:

— Аскиянь каникул! Велөдчынытө оз ков мунны да дырджык узыштам.

Кузь тушаа Рома Мишарин кутіс ошйысьны:

— Менам нель «двойка» петіс.

Зонъяс пиысь медічөтыс, Паша Каракчиев, вашгялө:

— А менам квайт «двойка»...

Рома кватитіс детинкатө шошаөдыс да Прокө шор гуранө йөткалігтырйи кутіс гораа дивитны:

— Зырымбедь, кызди тэ лысьтін менө панйыны?!— сэсся кайис туй вылас да бергөдчис мукөдлань.— Коді нөшта лысьтис ме водзө петны?

Зонъясыд пышйигтыр кутісны горзыны:

— Эгө, эгө панйөй!..

\* \* \*

Во дас сайын кымын, а гашкө, этшаджык, лавкаө няньла муна. Ыджыдвиддзө пыранінын сувтіс «Таврия». Өдзөс воссис, чеччис сэтысь Густа Вань. Чолөмасим. Видзөда, мортислөн чужөмыс шняч еджыд, льөбйыс дзөрө, кийс тіралө.

— Висьмин али мый?

— Эг чайтлы ловйөн воны, мунігчөж көрт вугъяс шашаритчөмөн пукалі.

— Кыз нө веськалін Өксинь Иван машинаас?

— Сулала Көрткерөс лавка дорын, гортө кайны машина видзөда. Сувтіс Өксинь Иванлөн «Таврияыс». Матыстчи. Ыджыдвиддзө, юала, каян? Мөдыд эз кыв. Мөвпышти, мися, дзик нин тай пельтөм. Нөшта гораджыка шыаси да вөлисти вочавидзис: сөв пө да каям, лавкаө сөмын пыравла. Регыд мөдөдчим. Ме аминь гораа нин юалі, кытчө нө, мися, лэччылін? Карын пө синмө операция вөчисны да больничәө корлісны. Чөв олышти да, кывйөй бара на луддзис: кыз нин, мися, Николаевич, олан? Кутшөм олөм, пытшкысь пө ставсө нин перьялісны. Ачыс туй вылас дзоляник руль пырыс кыйкьялө. Видзөдлі спидометрлань да вөлисти повзи — мортис синтөм, пельтөм, пытшсыс ставсө нин перьялөмаось, а өдсө часнас 120 километрысь этшаджык эз чинтыв, мөдарө — пыр содтө. Збыль шуа, эг чайтлы, мый гортө ловья юрөн воа...



\* \* \*

Пукалам менам керкаын Василёк ёрткөд — гөрд вина юам. Өдзөс сайын каньпи нявөстис. Василёк восьтис өдзөссө да босьтис каньпитө киас:

— Он вөлі көсйы, а кань со лосьөдөмыд...

— Тарас Ольöлысь босьтi, да быдмытөдзыс кодзны эськө колө.

Василёк малалө гөна ёкмыльтө:

— Кодзны тэнө көсйöны? Эн сетчы... Нинөм ог гөгөрво, ныв каньсө кодзлөны жö?

Ме тшөтш чеччи пызан сайысь:

— Ныв али мый?! Мен ай кань пыдди сетис да...

Сюсьджыка кутим видлавны да, збыль, ныв вөлөма.

Василёклы шуа:

— Татшөмыд меным оз ков. А джагөднысө кийй оз лыб. Вай тэ...

Ёртöй нюммунис:

— Кык гөрд сулея кө босьтан, лавкаө ветлiгкостыд стено ляска.

Ме котөрөн ветлi лавкаад, босьтi винатө да локтi бөр. Пыри гортö, видзöда, Василёк кисö мыськө, овсис пö каньыдлөн.

Пуксим пызан сайö, кисьталим стöканьясö вина да юим: «за упокой», мися. Ме нор сьөлөма да бөррдзи — жаль лои каньыд. Бөрдигтырйи бара гулькнитi винатө. Василёк мөд стöкан бөрад тшөтш кутис синвасö кисьтны.

Воссис өдзөс да гөтырöй пырис — удж вылысь воөма. Мый нö пö кык йöй лимзаланныд? Мися, каньпиыс жаль — Василёк-лы тшөктi да, ляскис.

— А кильчö вылас нö кодi пукалө,— чуймис гөтыр,— вуджö-рыс али мый?

Кыкнанным уськөдчим өдзөслань. Каньпиöй нимкодьпырысь кутис ниртчыны кокö. Мися, эн ляскы али мый?! Жаль пö лои, шуö Василёк. Мый нö эськө мекöд тшөтш синватö кисьтiн? Зэв пö нора бөрдiн да, кутчысьны эг вермы.

\* \* \*

90-өд вояс. Карысь ньöби видеомангитофон. Во джын мысти кымын ньöбөмторйыд менам жугали. Кассетасö сюя пытшкас, а сийö бөр петö. Мангитофоныс гарантия вылын да, карö лэччөдi. Вежон кык мысти дзоньтасьсыясыд корисны менö: вöчим пö. Бара карö лэччи. Мастерскöйын мыччи квитанция. Кабала вылө видзөдлөм бөрын приёмщикыс нюмъявны кутис, сэссия пырис пыдi жырийö. Петис мангитофоннад, öти киас кутшөмкө тубрас кутö. Сы бөрся морт нель на мыччысисны, ставныс ме вылө дзоргöны да вашгялöны. Ас гөгөр видзөдлi: «Что случилось?» Тубрассö восьтi, а сэтысь куим котлет уси — гөнаөсь нин. Öти дядьөлөн терпенньöыс, тыдалö, быри, да вак-вакөн серөктис: «Спасибо за гостинец, но они, когда открыли, были уже несъедобны».

Вөлөмкө, медичөт пийй котлеттö сөйөм пыдди видеомангитофонас суйөма. Гортын дзоньталөм йылысь кабаласö лыдди да се-

рамой петис: «Выполнена очистка масла животного происхождения».

\* \* \*

Кольөм во арнас муна вөляникысь нюр бокті, сөстөм сынөд-нас лолала. Понъяс веськалісны көч кок туйө да саялісны вөрас. Вичысьтөг зэрмис, а дзедьсыны некытчө, гөгөр посни пуяс.

Кыла, бура ылын понъяс лэптисны көчтө. Ме чепөсйи налань. Рушкуй кыз, ашти. Друг гач кизьой ори, тасматөм гачыд шлюв-муніс кок улө, а ме крукаси да уси. Ружье лөжаыс топыдіника вартіс юрө. Ас вылө матькигтырйи чеччи, лэпти гачөс, а йиганыс слаб, да кизьтөгьд сійө бөр уси.

Мый вөчны? Юрө воис: голяын өд компаса көв өшалө. Перйи сійөс да көртаси. Компасыс ыджыд кизь моз сярвидзө гач ылын. Кокныда ышловзи да мөдөдчи водзө.

Понъясыд сэк кості көчтө воштисны, некөн оз кывны. Кодарө мунны? Кымөра да, он гөгөрво. Копыртчи, куті компасө дзоргыны, кытчө петны. Друг орччөн баба шыасис, дрөгмуні быдсөн. Видзөда, Джиянысь Тоней Галина. Мый нө пө компассө исясянад өшөдөмыд? Мун да и висьтав бабаыды, мыйла компасөй буретш сэні блоньялө!

\* \* \*

Миян сиктысь Кир Вань висьтавліс тайө тешкодь вөвлөм-торсө.

«Аминь көдзыд төв. Көнкө дас час рытын петі сарайө асмогасьны. Кыла, кодкө кильчө өдзөсө гыжъясьө. Сюсуджыка кывзышти: збыль, кодкө сэні эм. Кокнас тшөтш вөляникысь клонөдчө. Шыаси: «Код нө сэні?» «Неньпом Коля»,— вочавидзис төдтөм гөлөс. Ме чужлі Ыджыдвиддын, комын во ола тані, но тайө нимсө кыла первойысь. Бара юалі: «Коді, коді?» Мортыд зэв гөгөрвоана матькыштіс, но асьсө бара шуис: «Неньпом Коля!» Мөвпышти, кутшөмкө код морт вошөма, мися, кынмас кильчө помад... Ковмис өдзөс восьтыны. Видзөда, миянсянь неылын олысь Монтөр Коля сулалө. Пырті морттө керкаө, пач вом дорө пуксьөді, ачым серамла тшөкъявны куті. Мортыд сэтшөма турдөма-кынмөма, мый Монтөр Коля пыдди сылөн Неньпом Коля артмө...»

\* \* \*

Во кызь сайын пукалам гозъя гортын: ме телевизор видзөда, гөтыр лыддьысьө. «Кино Вась, тэ вөрад ветлігөн меным пакула он вай? Со татчө зэв уна буртор сы йылысь гижөма, весиг язваыд бырө, водкатө кутан юны. Ютөм мужикыд кодзөм кань кодь — дзик дыш...» «Вая, вая!»— шенышти киөн да водзө мөді видзөдны телевизортө. «Тэ көть төдан пакуласө?»— бара на шыасис гөтыр. Ме весиг дөзмышті: «Кызди нө ог төд, сы мында во нин вөрті кыскася да?!»

Мөд асывнас кайи вөрө, сөвті ыджыд ноп тыр пакулатө да нимкодя мөдөдчи гортө. Керка дорө кежигөн Прокө Семенкөд



паныдаси, вадорсянь мортыс кайö. «Кытчö нин ветлин, Кино Вась?»— юасьö. Ме ноийöс рази: «Со пакула перъяли, гöтыр корис да». Семö дядь семдiс серамысла: «Тайö абу пакула! Пакулаыс кызд вылын мьль моз петö. Вай шыбит тайöс, пока некод эз тöдды...»

Ме ректi ноптö Пöлик Дарья öшинь улö, лöкань койыштан гуранас. Сы бöрын во дас кымын кывзi Дарьялысь ропкöмсö. Быд петавлигөн мать вöли кыпöдö: «Кутшöм сötана бара-й татчö «вöv гыжсö» койыштöма?!»

\* \* \*

Ар. Пукала Зулöб да Вылыб кост ю берег нöрысын. Утка лэбöм виччыся, но гөгöр шы ни төв. Ю чукыль сайысь мыччысис мотора пыж, кодi час джын кымын нин эргис-катiс. Видзöда, Миш Öле моторнас веськöдлö. Пыж нырас шуриныс ропкö: «Колö вöли мöд мотор на босьтны, тайөн ми, видзöда да, некытчö ог воий — öдва катö!» Ме горöдi: «Локтö тшай юам!» Дядьöясыд сувтiсны. Тшай юём бöрын Миш Öле чеччис да сölis пыжас: «Но, водзö мöдам!» Шуриныс йöткыштчис. Мотор эргыны кутiс. Миш Öле сүйис скоросьтсö, но пыжыд эз вөрзьи, мöдарö, кылавны мöдiс. Миш мотор коксö лэптiс да шуриныслы горзö: «Винттöг, вөлöм, катсьö, да кысь пыжыд мунас. Мися жö, некутшöма оз кыскы!» Менам тшай стöканöй серамла мынi кийсь да ваас тельсмуни.

\* \* \*

Квайтымын витöд воын, школа помалöм бöрын, сиктысь некытчö петавтöм зон веськöдчи эг кытчöсюрö, а — Ленинградö.

Училищесаяс менö дзик пыр нимтiсны «ходячий анекдотөн». Рочөн ог вöли куж сёрнитнытö да, урок вылад киён и кокөн во-чавидзлi юалöмъяс вылад. Коркö велöдысьыс, мед шенасигад чужöмас ог веськав, бöрыньтчöмысла улöс вывсьыс гатшөн уси. Слабог, эз доймав.

Олим ми Римский-Корсаков да Маклин улича пельöсын. Öтчид туйсö вуджигөн веськалi кык трамвай костö, веськыда чукуляинас. Трамвайяс сувтiсны. Петiс шоперыд да ситанö чужъялигтыр вуджöдiс туй мöдарас.

Мöдысь пыри Гостинöй дворö. Гортысь сьём мöдöдыштiсны да мыйсюрö кöсий ньöбны. Пластинка бöрийгөн менö кутшöмкö том морт кыйöдöма, аддзöма, мый менам сьём эм,— кутiс мырдьыны. Ме мынтöдчи сысь да пышйи, сэсся воши ыджыд лавкаад. Муна-муна, пета öдзöсöд да кутшöмкö саяйö веськала: гөгöр лэбачьяс сьылöны, некутшöм машина абу. Мöдысь пыри, кытшлалi да бара веськалi сийö саяд. Пукси пу дорö, бöрддзи. Но бур йöзыд вөлöмаöсь на, петкöдiсны менö ывлаад. Бöрас тöдмалi: мöд судтаас менам кытшлавсьöма, а сэнi кык керка костын сад быдмö.

Кад кольöм бöрын лавкаысь аддзи зэв мича пурт. Ывлаас петöмөн лыдди сьёмöс. Тырмас эськö, да öд олём вылад на колö. Киён шеныштi, мися, ньöба! Пыри вузасянинад, но деньгайй

жаль лои. Бөр петі. Шөйті-шөйті да бара пыри. Мөвпала: «Мича пуртыд, лоө ньобны... А овны мый вылө?!» Чепөсси порог саяс. Здук коли да тэрыба косі, чургөді сьөмтө, ньоба, мися, пурттө. Вузасьысьыд охотбилет корис. Но кысь меным, дас квайт арөсаыды, татшөм кабалаыд. Нимкодя ышловзи да мөдөдчи отуволанлань.

Коркө нуръясянінө пыри, кори бутерброд (кывйыс зэв нин мича!) да куимсө грамм нянь. Но и кылөдышти ме сэки сы мында няньтө!..

Дереваннойса Чувьюров Васькөд пукалам Садовөй кольцо площадь вылын, эскимо сөям. Видзөда, паныд сулалысь керка балкон вылө петіс дзик код мужик, мөдіс асмогасьны. Ме чургөді дядьöланьыд чуньөс, шуа ёртлы, со, мися, кутшөм код. Сералыштім кыкөн да бара кутім чөсмасьны эскимонад. Недыр мысти матыстчис кутшөмкө мужичөй да кыз тай лөсыштіс пель бокө! Эскимоыд бедьнас и ставнас исковтіс сьуйөд. Никогда пө не показывай пальцем! Сы бөрын некор сэсса чуньөс ог чургөдды.

\* \* \*

Кая автобусөн карысь гортө. Воддза пуклөсас кык нывбаба варгөны. Öтиыс шуө: «Но и йөйөсь жө ми, гортсьыд некытчө прамөя петавтөгыд». Ме пельөс чошкөді, куті кывзыны.

«Муна кар кузя, öтарө-мөдарө гоньяла, аддзи стөнын кабала, куті лыддыны «На почте продаются семена». А ме буретш көйдыстө и корся вөлі. Сөмын, йөйыд, эг гөгөрво стөчмөдны, кутшөм поштаын сійөс вөзйөны. Мөвпала: «Поштаыс өд öти, шөр площадь вылас». Муні сэтчө, пыри өдзөсөд. Юала пызан сайын пукалысь дядьöлысь: «Семена разве здесь?» «Да, да, на втором этаже. Почему опаздываете? Как фамилие?» Ме висьтаси. Сійө кутіс кабалаысь корсьны: «Вас нет в списке, ладно, проходите». Мортыд, тыдалө, эз гөгөрво. Ме быд кыв торйөдөмөн бара на юалі: «Семена разве здесь продают?» Вөлөмкө, мужичөйыд чайтөма, мый тані мунысь семинар йылысь юася...»

\* \* \*

Карса öти лавкаысь сералігырйи петісны кык ныв. Комиөсь. Ме клубад уджалігөн велалөма нин том йөз дорад бергавнытө да, төдмаси нывъясыдкөд. Аминь варовөсь веськалісны. Ме, мися, антенна корся. Көнкө рынок вылын пө донтөм эм, да сыланьө кө туйныд, öглаын сёрнитігмоз и мунам. «Мый нө, нывьяс, карас вөчаньыд?» Варовджыкыс петкөдліс нывьёрт вылас: «Ме некымынысь лэчывлі нин татчө, а тайө медводдзаысь на, карсө со петкөдла. Öні йөйяс моз сорсим. Миянлы витсө чөлкөвөй колө вөлі вежны, пырим эсійө лавкаас. Мися, йогурт босьтам дай вежасны. Бөрйим вөлөгатө, мунім касса дорө, а нывбабаыд шуө, ог пө вермы вежнысө, сьөмыс абу на да. Бөр пуктім йогуртсө, петім ывлаө. А тані кильчөыс со кутшөм паськыд! Öтарө-мөдарө ветлөдыштім, сэсса кутшөмкө өдзөс дорө матыстчим. Мися, татчө пыралам, тані, колкө, денгөтө вежасны. Бара босьтім йогурттө, матыстчим касса дорө. Кассирыд копырчөма



да мыйкӧ лыддӧ. Ме тотш-тотш кери кулакӧн пызанас, аньыд синсӧ лэптис: «Бара ті? Ӧні на шуи, абу вежнысӧ. Кӧвъясин-ныд ме дорӧ. Мӧдлаын онӧ вермӧ вежны, татчӧ помся пыран-ныд...»

Со татшӧмӧсь ми, сиктса йӧз, кор карад дыр ог петавлӧй!

\* \* \*

Кузь олӧмад быдсяма йӧзыскӧд лои паныдасълӧма. Лӧкыскӧд и бурыскӧд, варовыскӧд и топыд вомаыскӧд.

Ме ачым зэв варов, верма ланьтытӧг некымын час чӧж анекдотъяс висътавлыны. Но вӧлӧмаӧсь и меысь на варов йӧз.

Менам эм сват, Ӧльӧксан ним вылӧ шыасьӧ. Неважӧн пукала вӧлі гортын, другысь телефон триньӧбтіс. Босьті трубкасӧ, мӧдар помас сват шыасис, тӧдчӧ, бура шома юра, сӧмын сяргӧ-висъта-лӧ, скодитӧмасӧ и скодиттӧмсӧ.

Меным садь юрнад регыд дышӧдіс сёрнитнытӧ да вӧляникысь пукті трубкасӧ бокӧ, мед, мися, варгас. Ачым сӧлі велосипед вылӧ да мӧдӧдчи вӧраинӧ сӧстӧм сынӧднас лолавны. Кӧнкӧ дас километр мунӧм бӧрын бӧр вои. Пыри гортӧ, телефон трубкасӧ киӧ босьті да шемӧсми — сватыд пыр на мекӧд сёрнитӧ: «Сват, кылан, ме Рокоссовскийлы на Типӧсиктын рок пулі, выйсӧ рок дорсыс унджык вӧлі пукта, ёна и малавліс менӧ юрӧд. Сват, алӧ!» Ме семді серамла, эг нинӧм шу да пукті трубкатӧ ас мес-таас.

Пӧшти кык час абуыскӧд Ӧльӧксан варгис.

\* \* \*

Бӧдждыдвидзӧ ГАИ-са инспектор техосмотр нуӧдны локтіс. Ме тшӧтш сӧлі «Запорожецӧ» да мӧдӧдчи сельсӧвет дорӧ. Сэні тырыс нин машина сулалӧ. Ме аминь дриста суйси машинаяс костада да мӧдӧн лои. Инспекторыд матыстчис, босьтіс кабалаяс-тӧ: «Ноко, заднӧй скоростью суй». Ме суйи. «Бӧръя биыд эз ӧйы, да ладнӧ. Ручниктӧ лэпты!» Ме лэпті мый вынысь. Инспекторыд йӧткыштіс. Менам «Запорыд» неуна водза машинасӧ эз люкав. Инспекторыд юрнас довьӧдлыны кутіс: «Ноко, сигналыд эм абу?» Ме личкышті — шы ни тӧв. «Но вай, двигателяд номерыс документыскӧд лӧсялӧ оз кӧть, видзӧдлам?» Кутім корсьны. Кыкнанным ньятчим, но эз сюр. Инспектор, видзӧда да, папирос ӧзтіс: «Тэнад машинаыдлӧн кыткӧ кӧть уджалӧ оз?» Мися, оз кӧ ӧд уджав, татчӧдз эг во. Бумагаяссӧ бӧр сэсса мыгчис.

Куті заведитны машинаӧс, оз заведитчы. Ставныс семдісны серамысла. Менам улыс льӧбйӧй дзӧрны кутіс.

Чойлӧн верӧсыс сэсса гортӧдз кыкис. Неуна машинаыслысь сӧтансӧ эг пасьнит, тормозӧй виччысьтӧг воши да.

\* \* \*

Петі гидӧ идрасьны. Гид дорӧ матыстчигӧн суседӧй горӧдіс: — Кино Вась, энлы, сулавлы. Идрасян да, Ӧньӧ Вась порсь

луйны тэнö корис, луйом бöрас ачым сэсса нокся, тэ верман мунны.

Ме номйысь моз кион куті öвтчыны:

— Ог, ог, ог, сылөн потшöс ни нинөм абу, гидсьыс лэдзас порсьсö — вöтлысь сы бöрся. Кольөм во полөмöйла, мый порсьыс пышгьяс, сёян тасьтисö лöсьöдигөн Öньö Васьыслы неуна юрас эг луй, а порсьыс пышйис. Эз кө гид гөгöрсö потш, ог мун!

Митрей кутіс менö лөнбодны: «Эн пов, оз пышйы, коктөм пö да, гезйөн, колөкө, ковмас петкөдны!» Но, сідзкө, мися, мунам. Воим Öньö Васьясö, пуксим куритчыны. Вась чеччис: «Но, петалам сэсса». Восьтис гид öдзөссö, пырис. Видзöда, ситанöдыс йөткө порсьтö. А кокнас бөрö мөд порсьöс чужьялө, мед оз пет. Порсьтö йөткыштис да гид öдзөссö пытшкөссянныс пöдлаліс. Горзö, льян пö да вöлисти пета. Менам киöй тівавны кутіс. Куроксö лэпта, чуной бөр нильсмунö, оз кай — и ставыс.

Вась кутіс горзыны гидсянныс: «Мый нө он луй?» Митрей семдöма серамысла: «Кодöс нө льяс, менö али мый, порсьыд важөн нин пышйыліс!» Порсь миян кока лои да вөрланьö сетчис. Öньö Вась сөткигтырйи петіс гидсьыд, и ми ставөн муним порсьтö корсьны.

Та бöрын, чайта да, менö некор сэсса оз кор. Да ме ог и мун, оз кө гид гөгöрсö потш.

\* \* \*

Ме тайöс кывлі батсянь, а сылы висьталöма Выльыбса лавкаын вузасьысь Опонь Агни.

Овлöма грездас Сандра Öлексан. Мортыс бура дыр даргьясьöма, да сьöмыс бырöма, а голяыс трачкакылö. Öтилаö, мөдлаö уджыдысьны пыравлас, но некод мортыдлы сьöмтö абу и сетöма.

Öльöксан дыр абу мөжгöма, босьтöма кабала да сэтчö гижöма гөтыр нимсянныс: «Афанасьевна, Öлексан локтас да, сет уджйöзөн кило кампет, тшай пачка, печенньö да (пез урöдсьыд ловья юрөн он жö мын-а) водка сулея. Ме аски рытнас няньла волігөн мынта».

Агни лыддьöма кабалатö да сетöма корөмторгьястö. Мөд лун асывводзнас вузасьысьыд удж вылас локтöма. Видзöдö, лавка дорын пö бара Сандра Öлексан виччысьö. Сэсса мужичöйыд сійö жö кабалатö мыччас. Агни чуймас: тайö пö төрытгья гижöдыс да — водкаыд мед нин, а кампет-печенньöыд öд сы öдйö эз на быр?!

Öльöксан, дерт, оз шйöвош: гөтырлөн пö öчкиыс кытчөкө вошöма, эз вермы выльсö гижны да тайö кабаланас мөд пöв мөдöдіс. Юмовторйыс пö оз ков, а водкасьыд ог öткажитчы.

Агни бара на мөгмөдас дядьötö курыдгорнад. Рытнас Öльöксан гөтыр пырас лавкаö, босьтас нянь тупöсь да петны кутас. Вузасьысьыд горөдас, уджйöзтö пö мый эн вешты? Мöдыс шайпаймунöма: ме пö уджйöзөн нинөм на эг босьтлы да! Агни кабалатö чургөдас: «Со Öлексанлы тшөктöмыд водзөсөн босьтасьны да...»



Быть ковмома гётырыслы мынтысьны. Но и сёткыштёмаось сэні кык бабаыд; отиыс мужик вылас, мёдыс аслас прөстлунысь.

\* \* \*

Оти ёрт төдмалёма, мый ме гижала «Чушканзё» шмоньлив вёвлөмторъяс, да висьталіс со мый.

Кадыс вөлі война бөр. Коркө пывсян бокусь аддзи бура ыджыд из. Видзёдала изтө: слөйяса, абу курыд, позьё поткөдлыны да, ковмас кө, гор вылө пуктыны. Перйи изтө да ружтігтырйи пырті сійёс көджө.

Лэччим батькөд пывсьыны. Вылыс лабичын куйлөмөн бура корёсясим, швачөдім ота-мөдөс, сэсся петім көджө куритчыны. Ме пукси лабичө, батьө — из вылад. А вөлі аминь көдзыд төв! Ыркөдчыштім да ме пыри водзө корёсясьны. Кыла, көджын батьө ыджыд мать кыпөдіс, горзыны кутіс. Петі, видзөда, батьлөн пөсь сітаныс ляксьёма көдзыд изъяд, оз шед и — ставыс! Чеччыны кутіс, весиг изйыд вөрө.

— Пийө, вай өдйөджык пөсь васө да кисьтав изъяс!

Котөрөн кисьталі, да сітаныс мыні. Ме бөр пыри. Батьө, кыла, бара лёкгоршөн горзыны кутіс:

— Вай нөшта пөсь ватө, добраой изсьыс оз мын!

Мамө ывлаын вөлёма да кылёма батьлысь сөткөмсө, ропкыны мөдіс:

— Мед сэтчө и кольө, этшаджык дөва дорө котравны кутан!..

\* \* \*

Коркө ме мөвпышти лөсьөдны чипанъясөс. Отилысь-мөддысь юася, некодлөн абу. Öнись Машөдз сёрниыс воёма да шуө:

— Менам эм, чипан вит верма вузавны...

Но, мися, кор волены? Көть пө аски, ме гортын лоа.

Төда, Öнись Машө радейтө ме вылын смекайтчынытө да, рыгнас Трөш Öле суседыслысь телефон пыр юалі, эм абу бабаыдлөн чипаныс. Öле шуө, гоз-мөдөс пө йөрсьыс аддзылі коркө.

Мөд лунас босьті ыджыд көрзина, сөлі мотоцикл вылө да мөдөдчи Машөясө. Пыри, гозъя веранда вылын пукалоны. Ме, мися, чипаныдла локті. Эн жө пө өд куш киөн? Дерт, мися, көрзинаөн со. Ме пө юала, дозийөн локтін али эн? А дозтө ме эг гөгөрво босьтнытө. «Куш киөн кө локтін, куш киөн и мунан!»— крапкис Машө. Мый вөчан, шутөвтлі лавкаө сулеяыдла. Пуксим пызан сайө да мөдім дарьясьны. Оти дозийыд өдйө и кушмис. Ме гажмышті да бара на кайлі курыдторйыдла. Бура дыр варгөм бөрын Машө шуө:

— Вай петалам, пока кок йылад сулалан, а то чипан чукөр вылас усян да ставсө ныран.

Кутчысьмөмөн петім гидад. Видзөда, чипаныд оз тыдав, весиг куйөд дукыс оз кыв. Машө кутіс горзыны:

— Иван, көнөсь нө чипанъясыд?!

Иван шыасис веранда вывсянь:

— Кутшөм чипан, тэ коркө видзывлін найөс али мый? Менө кө гётырыслы петук пыдди он вузав...

Менам кокөй лигышмуні, шөйөвошөмөн пукси джодж шөрас.

Юрын гудыртчис. Бара, мися, Öнись Машö, менö бöбйöдлин! Аньыд сералигтырйи кутис тапкөдны пельпомö:

— Кино Вась, чеччы джоджсьыс да нöшта котöртлы винаыд-ла, сэссия, колökö, чипаныд сюрас.

Ме паляли татшöм шмоньсьыд, матькигтырйи мöдöдчи мотоцикл дорö. Друг, кыла, чипан горöдис. Сöтанаыд, мöд гидö менö петкöдлöма!

\* \* \*

Медводдза лым уси. Аминь нимкодя муні понъяскöд вөрö кöч кыйны. Лунтыр уяли, ва лымйыс да, брöд кöтаси. Некөн кок туй абу, понъяслы нинöм жö эз сюр. Сöткигтырйи мöдöдчи гортö. Керка дорын, видзöда, кöч кок туй. Мися, лунбыд шöйтi да, эг аддзыв, а öшинь улын кузь пеляыд со котралöма. Юрöс гыжъялигтыр пыри гортö. Недыр мысти петi вала. Понъяс воöма-öсь нин. Öтисö кутi зурöдны кок туяс — корсь, мися! Пон никсигмоз пышйис. Сэк костi, трубаысь ва лэпталигөн, сусед шыасис:

— Кроликöй пышйöма, эн некысь аддзыв?

Вöлисти юрö воис, кодлөн тайö кок туйыс. Öтлаын мöдiм корсьны. Туйыд вайöдис энöвтöм керка дорö. Восьса гöбöч öшиняс пырöма!

\* \* \*

Батьö висьтавлis...

Сельпо кантораö пырис нянь пöжаланинын уджалысь Ермö Иван. Порог дорсяныс нин вувзысис ме дорö:

— Вячеслав Васильевич, денгатö он сетышт? Сельмагын сэтшöм мича дөрöм öшалö, ньöбны эськö колö, да нинöм вылö.

— Дона-ö?

— Дас кык шайт да ветымын сизим ур.

Морттö он дзескöд. Тшöктi кассирлы сетны денгасö. А рыт-нас, гортö мунигөн, Прокö шор гуранысь аддзи Ермö Ивантö. Мортыс сулик код куйлис няйт пиас. Мыйөн пыравлис, сийö жö паськöмнас. Но и матьки бöрас! Тöда, даръясьнытö радейтö да, донсö уръяснас кö эз висьтав, сьöмтö эг эськö и сет.

\* \* \*

Пырисны кык нывка. Öтиыслы шмонитöмөн шуа:

— Он нин быдмы! Вит во на ковмас виччысьны, а сэссия по-зяс тэ вылö гöтрасьны. Гöтыр буретш сэк кежлö пöрысьмас нин...

Нылыд видзöдлис ме вылö зэв сюся:

— Сэссия нинöм оз ков?

— Оз. Тэ вылö гöтрася дай — ставыс. Сöмын ог сельсöветын гижсьöй, а вичкоын венчайтчам...

Нылыд татчö шпыньмунис:

— Пырам кö тэкöд венчайтчынытö, попыс вичко шöрас пласьт усьö!



\* \* \*

Полой весьтын вуграся вöлі. Друг тыдовтчис пыжа. Видзöда, Априкан кывтö да мотор стартерсö лёкысь нетшкö. Оз заведитчы и ставыс. Дзик ме весьтöдз нин пыжыс воис. Виччысьтöг моторыд эрöстис, а маховикыс нетшыштчис местасыс да сатшис бужöдö. Көвйыс тшöтш лэбзис — Априканöс муртса бöрсяныс эз кыскышт. Мужичöйыд чеччис, чужöмыс еджыд кабала кодь. Мися, веськаліс кө тэныд маховикыс, шöри эськö орöдіс. Кутім сійöс корсьны, некөн оз тыдав. Априкан шыасис, зырийд пö абу? Нюглей корсялан вила вöлі, да сійөн мöдім кодйысьны. Сюри öд көртторйыд — бужöдас метр джын пырöма.

\* \* \*

Куритчигөн Спира Пете Миш со мый висьталіс. Висер йылын пö турун вöлі пуктам. Кад воис да, пуксим берег нöрысö тшай юны. Видзöдам, катыдын турун тыра пыж тыдовтчис. Вөлөмкö, баты-пия кывтöны. Батыс моторсö нетшкөм-заведитöмысла брöд нин пöсялöма, кылö, шыасис пиыс дорö: вай татчö мöд моторсö, сійöс виддам. Миш кутöма горзыны, свеча каляныд пö ваöдыс кысьсö да кысь нин мотор уджалас. Пыжсаыд сöмын пöсьсö чышкыштöма: тайöс пö пысав көть эн, да бара стартерсö нетшыны мöдöма. Но и сералыштöмаöсь Мишгьясыд! Сэссия чукыль саяс моторыс жургыны кутöма — пысалöмаöсь, тыдалö, свеча калянсö.

\* \* \*

Кык пыжөн Чуб ю кузя вөр керкаö кирпич катöдам. Менам моторöй кусі, сувтім берегас. Перйи сумкаысь свеча ключ. Сöмын заводиті свечатö разьны, ключöй кийысь мыні да ваас уси. Ме перйи сумкаысь мöд ключ — бара, сötанаыд, ваас суныштис. Перйи коймöдöс, да сійö тшöтш тельскысис. Ме бара киöс сумкаö суйи... Трöш Öле видзöдіс-видзöдіс да шуö: тэнад пö сэнні ставыс свеча ключ али мый?

\* \* \*

Кинобудкаö пырис миян сиктысь тöдса мужичöй. Öзтіс папирос, пöкмелляысла кийыс тіралö. Мый нö, мися, лои, абу тай ас кодыд? Гöтырлы пö талун öти баба дорысь сюри, гортö оглысьт лэччыны. Муртса серам оз пет, кыз нö, мися, татшöмторйыс артмис?

Кык лун пö ме сійö баба дорас олі, вина юи-гажöдчи. Видзöда öшиньöд, гöтыр менö корсьö, кежис керкаланьыс. Бабаыд менö гөбöчас дзевис, выlö шлапкис гугöдöм ыж ку пась. Кыла, пырис гöтыр: «Мужикöй абу тани? Турун пыртлыны колö, а, скöтинаыд, мöд лун нин гортö эз воы». Абу пö, шуö көзайка. «Тянысь висьталісны да, вай вешйы!»

Друг гөбöч öдзöсыд воссис. Ме бакöсті ыж моз. «Мый нö, ыжтö гөбöчад видзан?» — чуймис гöтыр. А кынмö пö да пырті. Ме бара бакöсті. «Меж али ыж нö?» Ыж пö. «Кокыс кынмö

жө али мый, гын сапөгөдөмыд?»— гөтыр матыстчис ме дорө да кызд тай чабыртис кок вож костысь. Ме дзик нин меж моз ра-вөсті. Гөтыр кутис ропкыны: «Меж вөлөма, а ыж висьталан...» Ог төд, кытысь вынөй лои — котөрөн чепөсийи керкасыс.

Пола гортө лэччыны, турун пыртлгкості вилаөн кодзас дай!..

\* \* \*

Мөдөдчи орчча Джиянө кино петкөддыны. Водзвылын ку-тшөмкө мужичөй веськаліс. Кинас шенасьө, кодөскө матькө-пинялө. Бөрыннас төді жө — Сергей Миш вөлөма. Гажа. «Ста-выс!— горзө.— Гортө воа да өшөда сөтанаөс, мед тадзи эн вөч дай!» Панйыны ог лысьт, мөвпала: скөрмөма, тыдалө, гөтыр вы-лас топыда — джагөдны көсийө. Бара аминь чорыда шеныштис кинас: «Гортө пыра да стенө ляска!..»

Часі вылө видзөдлі — сөрма нин, ковмас панйыны. Кутас кө ме вылө ыршасьны, кинобанканас варта дай. Смелмөдчи, мый нө, мися, Сергеевич, гөтыр вылад сэтшөма скөралан, семья пытшкын өд шаня колө овны. Дядьөыд видзөдліс йөй вылө моз да перйис питшөгсьыс каньпиөс: «Гортө воа да джагөда! Питшө-гө, сөтанаыд, со кудзалис...»

Каньпи вылад мортыс, вөлөмкө, скөрмөма.

\* \* \*

Неважөн Көрткерөсын концерт дырйи петі ывлаө куритчыны. Видзөда, өти зон зэв сюся ме вылө дзоргис, сэсся сайөдчис кытчөкө. Здук мысти локтисны морт квайт кымын. Вай пө сни-майтчам өтлаын, Ильич өрт... Дзик Ленин, весиг грим оз ков.

\* \* \*

Кежи больнича туйвежө. Видзөда, паныд Густа Ваньө локтө. Мися, мортыс төлысьбыд курыдтортө видлаліс да пальөдчө со — весиг больничаө ветлөма.

— Мый нин, Ваньө, больничаясті ветлөдлан? Эм жө тэнад дзоньвидзалун та дыра юнытө!

— Эн смекайтчы! Аслад өд вөвлі жө...

— Мый?

— Белөй горячкаыс!

— Ме, помнита да, лунысь дыр эг юлы. Кутшөм белөй?

— Висьталан тай вөлі, бура дарьясьөм бөрын пө пельын аминь мича сьылісны...

— Збыль, во дас сайын кодьяскө андел гөлөсөн «Белым снегом» сьыланкыв ливкйөдлісны. Сэсся зэв ылісянь Паладь тьөтка шоньянөйлөн гөлөсыс мөдіс чуксасьны: лок пө, лок татчө!

Мөдысь бара, гажөдчөм бөрын, локта вөлі гортө. Друг ныв гөлөсьяс пельөдз воисны. Ме котөрөн нывьяс дорад, а найө се-ралгтырйи гөрөм муяс вомөн вөрлань чепөсийсны. Вөлись гөгөр-вои, мыйын делөыс, да кызд тай зымниті кокөн муас: дугдөй, мися! Эскы көть эн, ланьтисны өд. Та бөрын белөйыд менө эз нин вөдитлы... А тэнад мый?



— Дугдочи нин юёмссыс. Пукала пач вом дорын да куритча. Друг, кыла, мудодын ливкйоддыны кутисны. Зэв мича сьыланкывъяс! Кымын во гудокася, татшом шыладсө эг на кывлы. Эг повзыы, мовпала: полатъысь баян босьта да тодтом шыладсө тшотш ворса. Чеччигон и ланьтисны. Кион шенышти, пукси бор, мед, мися, ливкйодлоны. Курыдторто видлытотгыд кывзынысө регыдон дышодис, босьти коколюка да потолоко зурйоддыны куті: вай, мися, ланьтой нин!

Сылысыясыд лонисны. Но звук мысти, сотанаяс, йоктыны босытчисны: гораа, потолокыс весиг сыркъявны модис. Волисти ме повзи!

Одва войыс коли, ывла югдытодз сизьдисны-йоктисны. Асывводзнас которон больничао ветлі, уколалисны. Бор гортө куті пырны, а керка пытшкын бара нин сьылоны. Бергодчи да Семю Клавди Валерьянтясө муні. Сэні волисти лоньышти, но пельын тиньгомыс эз на быр. Оні со бара уколасьны ветлі, но гортө пырны ог лысьт. Позьо ко, вай кинобудкаад олышта...

Со татшом збыль вовломторьяс волины кык гудокасысь ертлон. Ме, «бочкай» тыри да, дугді дарьясьнытө, а Ваньо онодз на бокө оз кояв.

Мортыс коть отнас оло, керкаас сьылом-йоктом йывсыд оз нин гаравлы. А оланіныс сьлон збыль ыджыд. Батыс на тшуплома. Узылынысө по сомьын кодзыд, мышку шонтысыд абу да.

Муса аняяс, вай кодкө локтой да тодмасьой Ваньобыскөд. Абу на од порысь. Сэссия, колөкө, дарьясьомссыс дугдас да, код тодас на кутшом мича сьыланкывъяс тьянлы лосьодас!

\* \* \*

Вовлі менам ыджыд мамлон чой — Татьо тьотка. Миян сиктын анясө Котшик Татьоон енджыка тодлісны.

Воас коркө Татьо тьоткалон мос видзан лун. А важон од мосьястө луд вылад йирсигон кык керкаон видзлісны, да орчча олысыс ас пыддиыс мододас ичотик нывсө.

Но, пукалоны порысь да том, сюрукьяс выло кыйкьялоны. Бывлаыс жар, лоддза. Татьо тьотка шуас: сельпо заготпунктысь Яков Егор ловья веж лодзтө по деняга выло босьтө. Нывкаыд кутас лодзтө да дором зептас сюяс, а модыс бор лэбзьө. Оломаыд юрнас докнитас: шароварыыд по со мый пасьта, сэтчө ко сюялан, некытчө оз лэбны. Видзөдө, нылыд ловья лодзтө гач пиас сомьын сюялө. Недыр мысти лодзьясыд курччасьны кутасны. Нывкаыд пессяс-пессяс да шуас Татьо тьоткалы: «Бура уна нин куталі, ветла вай да сдайта...» Татьо тьотка чуймас: «Ме та мында мөстө откөн видзны ог кольччы». Нылыды некытчө воштысьны, лэдзас шароварытө, да лодзьясыд жбыр лэбзясны отар-модарө.

Рытнас, горт дорас нин, нывкаыд бара модас лодзьястө гач пиас кутавны. Мамыс шемосмунө, мый нө по, нылой, лоин? Модыс шпыньмунө: Котшик Татьо шуис, Яков Егор по ловья лодзсө деняга выло босьтө. Нывбабаыд матькыштас: аддзөмыд по, кодысь кывзыны!..

А Татьо тьоткалон Кири Миш пиыс мамыс кодь жө.

Өтчүд Миш дядькөд войбыд сулея дорын варгим-сёрнитім. Дядь ошйысьны мөдіс: ме пö армияын старшинаөн вöлі. Весит военной билетсö петкөдліс.

Мöд лунас узыштөм бöрын бара даръясим. Петім ывлаө куритчыны. Кирö Миш друг чеччис лабичысь да котöртис туй ылө. Ме — бöрсяныыс. Сэссия кыз тай равöстис командир гө-лöснас: «Окружить, ты — слева, я — справа!»

Ме радöвöйөн вöлі да, быть кывзысь, көть эськө гөгөрвои, мортыс шмонитö. Куті котöртны, а туй шöрас детинка вöлі су-лалö да лёкысь бөрэдзис.

Миш дядь матыстчис зонка дорад, перйис зепсыыс папирос да суйис сылы вомас: «Не плачь, сынок, у нас идут учения!»

Туй кузя йöз вöлі мунöны да семдісны серамысла: «Кык йöй, дзоля мортсö синвабдз вайöдінныд...»

\* \* \*

Троица субöта. Петі гаражö, мед машинаөн шойна ылө вет-лыны. Видзöда да, туй кузя öтарö-мöдарö техника журъялö. Ки-өн шенышти, мися, машинасö сувтöдны некытчö лоö, нöшта лю-каласны дай. Колökö, курыдтор видлыны на ковмас.

Мöдöдчи подөн. Шойна дорö матыстчи да чуйми, көрт чибöыс — тшем. Мися, бур мый ассыым эг босыт. Друг паныд öддзöдчис кутшöмкө иномарка. Видзöда, руль саяс Семö Людмила пукалö, орчөн — пиыс. Вашгьялöны кыкнанныс. Нинөм эг гөгөрво, тi-льышти синмöс. Збыль öд, сизимдас арöса нывбабаыд машинанас веськөдлö.

— Дивö тай! Ме эг лысыт техникаөн петны, а Володя мамыс-лы машинасö сетöма,— шензöмөн мөді висьтасыны гуяс дорын сулалысьяслы.

— Сылөн öд иномаркаыс,— семдісны ставөн,— веськыд руля!

\* \* \*

Кор совхозыд ён на вöлі, муні гаражö трактор корны. Меда-ланторйыд эз сюр, мöдöдчи гортлань. Ывлаыс кöдзыд да, пырав-ла, мися, столярной мастерскойö. Сэні уджаліс Домна Вань — мортыскöд ми öти классын велöдчylim.

Воськовті порог вомөн. Видзöда, Ваньö фанера тор ылын мыйкö нускө-гижö. Мужичöйыд бергöдчис мелань, плешсыыс пöсьсö чышкалö:

— Уп, слабог, эштіс жö!

Лыддя фанера ывысьыд: «Внимание! Ввозка хлыста!» Серам петіс, мися, школаад көть миянысь мöд во кежлö на кольöдліс-ны, гижнытö абу и велалöма.

— Колö öд вöлі «вывозка» гижны!

— Ёна тай окота дзонь буква содтыны. Олас! Некод жö та-ысь оз мынтысь-а...

Варовыштім öттор-мöдтор йылысь, сэссия мöдöдчи водзö.

Тöлысь мысти ывлаас шондöдіс. Ме велосипедөн тюрöді орч-ча Джиянö. Туй бокысь казялі тöдса фанера тортö. Мөвпала: «Дыш парпоньыд, абу и содтöма буквасö!» Бөр локтігөн нин



---

син улö усис фанера мöдар бокас гырысь шыпасъяса гижöд:  
«Внимание! Кино Вась пьяный! С гармошкой!»

Ваксьöмöйла муртса велосипед вывсьыд эг усь.

\* \* \*

Ёна важöн нин тайö вöли. Муні бaтьöясö гуляйтны. Керка  
весьтас «Запорожец» сулалö. Бaтьö дорö Миш Иван другыс  
пырöма, варовитöны кыкöн. Киасим. Мися, кытчö нин ветлöмыд,  
Иван Михайлович? Карö пö лэччылі да гортö кая. Ме нюммуни:

— Кар кузяыс лысьтан ветлынысö? Ме тай со быд лэччылігöн  
машинаöс лесозаводса рöдня ордö кольла, водзö автобусöн нин  
журъяла.

— Öнi лысьта нин. А кор медводдзаысь карад веськалі...—  
чышкыштiс вом дорсö Миш Иван.— Муна вöли Сöветскöй улича-  
ти. Öдйö быттö муна, а бөрö видзöдлі да шемöсми. Сы мында  
машина чукөрмöма! Повзьöмöйла көрт вöлöй кусi. Веськыда  
туй шöрас. А мышкын помтöм öчередь сулалö. Медматысса ма-  
шинасьыс петiс аминь ён дядьö, кватитiс шапка пельясöс да  
мый вынсьыс сүйис шапкасö меным юрö. Син водзын пемдiс.  
Юр вевтöс перйигкостi «Запорожецтö», видзöда да, туй бокас  
нин йöткыштöмабсь...

